
Ҳоким соврини учун киберспорт мусобақаси ўтказилади

17-18 март кунлари Ўзбекистон тумани ёшлари ўртасида туман ҳокими соврини учун киберспорт мусобақаси ўтказилади.

Мусобақа Ўзбекистон туман ҳокимлиги, “Тетрис” киберспорт клуби МЧЖ ҳамда Яйпандаги IT марказ ҳамкорлигида ташкил этилмоқда.

Мусобақа туман ёшларининг бўш вақтларини мазмунли ўтказиш, улар орасидан иқтидорлиларни аниқлаш, танлаш ва саралаш (селекция) ҳамда уларни профессионал киберспортга йўналтириш, ахборот технологиялари ва IT-индустрия учун салоҳиятли кадрларни тайёрлаш ва уларни соҳага жалб қилишга кўмаклашиш мақсадида ташкилланмоқда.

Мусобақа ғолиб ва совриндорлари Наврўз байрами арафасида Ўзбекистон тумани ҳокимининг қуйидаги совринлари билан тақдирланади:

1-ўрин учун Ноутбук

2-ўрин учун Телевизор

3-ўрин учун Планшет

Мусобақада қатнашиш (ёки қўшимча маълумот олиш) учун ушбу манзилга мурожаат қилинг: t.me/EsportsTetris

2024-03-14 11:13:49